

<><><><><><>

## Headlines

- 1- जम्मू-कश्मीर च असेंबली चुनाएं दे अखीरले मरहले च 40एं असेंबली हल्कें लेई मतदाताएं लोकतंत्र च अपने विश्वास गी फही पक्का करदे होई 70 प्रतिशत मतदान कीता।
- 2- जम्मू-कश्मीर दे सियासी भाग EVMs च सील होई चुके दे'न। 8 अक्टूबर गी नतीजे घोषित कीते जांगन।
- 3- प्रधानमंत्री नरेंद्र मोदी अज्ज झारखंड च 83 जहार 300 करोड़ रुपें दिएं परियोजनाएं दा नीह पत्थर रक्खंगन।
- 4 कृतज्ञ राष्ट्र अज्ज राष्ट्रपिता महात्मा गांधी ते साबका प्रधानमंत्री लाल बहादुर शास्त्री हुंदी जयंती पर उनेंगी श्रद्धा-सुमन अर्पित करा'रदा ऐ।

<><><><><><>

## J&K 3<sup>rd</sup> Phase

जम्मू-कश्मीर दे लोकें इक्क बारी परतिये लोकवाद च अपना विश्वास दस्सदे होई कल असेंबली चुनाएं दे त्रीये ते अखीरी मरहले च 40एं असेंबली हल्कें लेई तकरीबन 70 प्रतिशत वोट पाए। मतदान प्रक्रिया पूरी अमन-शांति कन्ने सम्पन्न होई। जम्मू-कश्मीर दिएं 90 असेंबली नाशिस्तें दा पूरा पराता मतदान प्रतिशत 62 अशारिया 7-8 रेया। उधमपुर जिले दे असेम्बली हल्कें च सब्बने शा मते 76 प्रतिशत वोट पे। आतंकवाद कन्ने प्रभावित इलाकें च जित्थे लोक वाँयकाट ते हिंसा थमां डरदे पैहलें बाहर नेई हा औंदे, कल मतदान केंद्रें च लम्मियें-लम्मियें रींगें च

खड़ोइयै वोट पाने गिते अपनी बारी गी बलदगे लब्बे जेदे नै हए बांदै होंदा ऐ जे लोकें दा लोकतंत्र च पक्का विश्वास ऐ। मुख् चुनां आयुक्त राजीव कुमार होरें आखेआ ऐ जे जम्मू-कश्मीर असेंबली चुनाएं लोकवाद गी महत्वै आहले ढंग्गै सिर तगड़ा कीता ऐ जेड़ा प्रांतै च औने आले वक्त च लोकतांत्रिक सोच गी लगातार सशक्त करदा रौग। एहदे शा पैहले 18 सितंबर गी पैहले मरहले तैहत 24एं असेंबली हल्कें च 61 अशारिया 3-8 फीसद वोट पाए गे हे। दुए गेड़ दे असेंबली चुनां 25 सितंबर गी 26 नाशिस्तें पर करोआए गे जेदे च 57 अशारिया 3-1 प्रतिशत लोकें वोट पाने दे अपने अधिकार दा इस्तेमाल कीता। अखीरी मरहले च 69 अशारिया 6-5 प्रतिशत वोट पाए गए। असेंबली चुनाएं दे त्रोंने मरहलें च 90 नाशिस्तें लेई 62 अशारिया 7-8 प्रतिशत मतदान दर्ज कीता गेआ।

<><><><><><>

### Political-Fate

जम्मू-कश्मीर च त्रुं मरहलें च असेंबली चुनाएं दे सबूरा होने कन्नै संघ शासित जम्मू-कश्मीर दे सियासी भाग्य इलेक्ट्रनिक वोटिंग मशीनें च कैद होई गेदे न। 8 अक्टूबर 2024 गी जम्मू-कश्मीर दिएं 90 असेंबली नाशिस्तें दे नतीजे घोषित कीते जाने न जेदे मगरा इत्थें नमी सरकार दा गठन होना तय ऐ। पाकिस्तान नै 1947 मगरा गै जम्मू-कश्मीर पर पैड़ी नजर रक्खी दी ऐ ते प्रांतै च आतंकवाद फैलांदा आया ऐ। असेंबली चुनाएं च मतदाताएं दा बद्द गिनतरी च वोट पाना लोकें दे लोकवादी प्रक्रिया च पक्के गी बांदै करदा ऐ। आजादी मगरा पैहली बारी जम्मू-कश्मीर च बसे दे पच्छमी पाकिस्तानी रिफ्यूजिएं, वाल्मिकी समुदाय ते गोरखें असेंबली चुनाएं च वोट पाने दे अपने अधिकार दा इस्तेमाल कीता ऐ। 10एं बरें दे वक्फे मगरा जम्मू-कश्मीर च असेंबली चुनां करोआए गेन।

<><><><><><>

## J&K LG

जम्मू-कश्मीर दे लेफ्टिनेंट गवर्नर मनोज सिन्हा होरें असेंबली चुनाएं दे त्रीए गेड़ च रिकार्ड गिनतरी च मतदान करने लेई मतदाताएं गी दिली मुबारकबाद दिती। अपनी इक सोशल मीडिया पोस्ट च लेफ्टिनेंट गवर्नर होरें आखेआ जे असेंबली चुनाएं दे त्रौनें मरहलें च वोटरे दे जोष ते जज्बे कन्नै हए बांदै होंदा ऐ जे जम्मू-कश्मीर च लोकवाद गतिशील ऐ ते लोक लोकतांत्रिक मुल्लें च विश्वास रखदे न। श्री सिन्हा होरें लोके दे रिकार्ड मतदान लेई उंदी सराहना कीती। उनें चुनां अधिकारिएं जिला प्रशासनें, जम्मू-कश्मीर पोलीस ते सुरक्षा बलें दी सराहना करदे होई आखेआ जे उंदी लग्न ते तनदेही कन्नै गै त्रऊं मरहलें आले असेंबली चुनाएं आहली प्रक्रिया बेहतर ढंगे सिर तोड़ चढ़ी सकी ऐ ते लोकवाद दे थम्म मजबूत होई सके न। लेफ्टिनेंट गवर्नर होरें अग्गे आखेआ जे पारदर्शी मुक्त ते आजादाना असेंबली चुनां 2024 जम्मू-कश्मीर दे इतिहास च सुन्ने दे अक्खरें कन्नै लिखे जांगन।

<><><><><><>

## Bukhari-BJP

साबका मंत्री ते सुरनमोट थमां बीजेपी मेदवार सईद मुश्ताक बुखारी हुंदा अज्ज पमरोट, पुंछ च काल होई गेआ। सूत्रें मुजब बुखारी होरें दा काल अज्ज बड्डलै अपने घर होआ। 75 बरें दे राजनेता होर अनुसूचित जनजाति आस्तै आरक्षित हल्के सुरनकोट थमां बीजेपी तरफा चुनावी मैदान च हे। पुंछ दे सूरनकोट थमां 2 बारी विधायक रेही चुके दे बुखारी होर नेशनल कांफ्रेंस प्रधान डॉ. फारूक अब्दुल्ला दे करीबी हे। तकरीबन 4 दहाके नेशनल कांफ्रेंस कन्ने जुड़े दे दौहने

मगरा बुखारी होर फरवरी 2022 गी एनसी शा बक्ख होई गे हे जेदा कारण पहाड़ी समुदाय गी अनुसूचित जनजाति दा दर्जा देने बारे फारूक अब्दुल्ला हुंदे कन्ने सहमति नेई बनी पाना हा।

<><><><><><>

### PM-Hazaribagh

प्रधानमंत्री नरेंद्र मोदी अज्ज हजारीबाग झारखंड दे अपने इक दिनै दे दौरे दौरान 83 जहार 300 करोड़ रपे दिएं परियोजनाएं दा शिलानयास करंगनं केइअएं गी शुरू करंगन ते केइएं दा उद्घाटन करंगन। इनें परियोजनाएं च 79 जहार 150 करोड़ रपें दी धरती आभा जनजातीय ग्राम उत्कर्ष अभियान ते प्रधानमंत्री जनजातीय आदिवासी न्याय महा अभियान (PM Jan Man) तैहत कई प्रोजेक्ट शामिल न। प्रधानमंत्री 40 एकलव्य स्कूलें दा उद्घाटन करंगन ते 25 एकलव्य स्कूलें दा नीह पत्थर रखंगन। एह प्रोग्राम विनोबा भावे विश्वविद्यालय च आयोजित कीता जाग।

<><><><><><>

ते हुन बाकी दिएं खबरें कन्ने पूजा वजीर।

### Gandhi-Shashtri

राष्ट्र अज्ज राष्ट्रपिता महात्मा गांधी होरें गी उंदी 155मीं जयंती पर श्रद्धांजलि दआ रदा ऐ। मुख्य भरे च तंविदशा च स्थित भारतीय दूतावासं च कई कार्यक्रमें दा आयोजन कीता जारदा ऐ। अज्ज बड्डलै राष्ट्री राजधानी राजघां च बापू हुंदी समाद्धि आहली थाहर इक सर्व धर्म प्रार्थना सभा होआ रदी ऐ। राष्ट्र अज्ज साबका प्रधानमंत्री लाल बहादुर शास्त्री होरें गी बी उंदी जयंती पर चत्ता करा'रदा ऐ।

<><><><><><><><>

## Prez. Message

राष्ट्रपति द्रौपदी मुर्मू होंरें लोकें गी आपसी मसले हल करदे होई सच्चाई, अहिंसा, प्रेम, ईमानदारी ते संस्कारें गी अपनाने आस्तै आखेआ जेदे कन्ने ऐसा भारत तैयार होग जेदा महात्मा गांधी होंरें सुखना दिक्खेआ हा। राष्ट्रपति होंरें आखेआ जे सारेंगी समाज ते देश दी तरक्की आस्तै लगातार कम्म करना होग। उनें आखेआ जे बापू हुंदा जीवन सारें आस्तै इक मिसाल ऐ जेड़े गै सच्चाई ते अहिंसा दे पुजारी हे। गांधी जी होंरें म्हेशां लोकें गी शांति ते भाईचारे दी राह पर चलने आस्तै प्रेरित कीता। राष्ट्रपति होंरें आखेआ जे गांधी जी नै छोट, अनपढ़ता गी खत्म करने ते सफाई बवस्था दुरुस्त करने आस्तै कई मुहिम चलाइयां हियां ते महिला सशक्तिकरण आस्तै बी महत्वपूर्ण कदम चुक्के हे।

<><><><><><><><>

## PM-Tribute

प्रधानमंत्री नरेंद्र मोदी होंरें राष्ट्रपिता महात्मा गांधी होंरें गी उंदी डेढ सौमी जयंती दे मौके पर श्रद्धांजलि भेंट कीती ऐ। इक सोशल मीडिया पोस्ट च श्री मोदी होंरें आखेआ जे बापू जी दे आदर्श ते जीवन सच्चाई, सद्भावना ते बरोबरी दे सिद्धांतें पर आधारित न। प्रधानमंत्री होर साबका प्रधानमंत्री लाल बहादुर शास्त्री होंरें गी उंदी 120मीं जयंती प चेता कीता। उनें आखेआ जे ओह अपना जीवन जुआनें, करसानें दी मुख्य दी मान-सम्मान गी समर्पित कीता।

<><><><><><><><>

## PM-Swachh Bharat

प्रधानमंत्री नरेंद्र मोदी होर अज्ज दिल्ली च महात्मा गांधी हुंदी 155मीं जयंती द॥मौक॥ पर स्वच्छ भारत दिवस 2024 कार्जक्रम च हिस्सा लेंगन। एह कार्जक्रम स्वच्छता आस्तै मती महत्वै आहल॥जनांदोलन स्वच्छ भारत मिशन दी शुरूआत द॥10 बर॥पूर॥होन॥गी दर्शादा ऐ। प्रधानमंत्री 9600 करोड़ थमां मती रकमै दी लागत द॥साफ-सफाई त॥स्वच्छता कन्नै सरबंधत कई प्रोजेक्ठों दा उद्घा॥न करंगन। एहद॥च अमृत त॥अमृत-2 द॥तैहत प्रोजेक्ठों, गोबर्धन स्कीम द॥तैहत स्वच्छ गंगा राष्ट्रीय मिशन त॥15 Compressed Biogas Plant शामिल न।

<><><><><><>

## LG-Gandhi Jayanti

जम्मू-कश्मीर द॥उपराज्यपाल मनोज सिन्हा होरें गांधी जयंती द॥मौक॥ पर लोकें गी शुभकामनां दितियां न। राष्ट्रपिता महात्मा गांधी होरेंगी श्रद्धांजलि भें॥ करद॥होई उपराज्यपाल होरें आखआ ज॥गांधी जयंती सारें आस्तै अपन॥आप गी इक बारी परतिए पूज्य बापूजी द॥आदर्श पर समर्पित करन॥दा ध्याड़ा ऐ। शांति, सच्चाई, समर्पण त॥अहिंसा ज्जन्म मूल असेंगी अपन॥जीवन च शामिल करन॥चाइदा॥ उनें जोड़था ज॥बापू जी थमां प्ररित होइए जम्मू-कश्मीर द॥हर स्कूल द॥बच्च॥मकामी पानी आहल॥थाहरें, पार्कें या मकामी धरोहरें दी साफ-सफाई द॥कम्म च लग्ग॥द॥ त॥सफाई मुहिम हर महीन॥दो बारी चलाई जंदी ऐ। सिन्हा होरें आशा कीती ऐ ज॥गांधी जयंती द॥मौक॥ अस्स सार॥सच्चाई, समर्पण, अहिंसा, निस्वार्थ सखा त॥भाईचार॥द॥रस्त॥पर चलन॥दी सौगंध लैच॥त॥समाज च शांति त॥भाईचार॥गी कायम रखन॥आस्त॥सार॥रलिए कम्म करचै।

<><><><><><>